

# ხელშეკრულება №18-32

სახელმწიფო შესყიდვის შესახებ

ქ. ბათუმი

28 იანვარი 2013 წელი

ერთის მხრივ ა(ა)იპ-„სატრანსპორტო ინფრასტრუქტურის მართვის სააგენტო“-ს (ქ. ბათუმი ლ. ასათიანის ქ. №25, ფაქტობრივი მის: მელიქიშვილის №81), წარმოდგენილი მისი დირექტორის ზაზა ნაჭყებიას სახით შემდგომში „შემსყიდველი“ და მეორეს მხრივ შ.პ.ს. „დელტა 707“ (ქ. ბათუმი ბერიძის 4/6) წარმომადგენელი მისი დირექტორის გია ბერიძის სახით, შემდგომში „მიმწოდებელი“, სახელმწიფო შესყიდვების განხორციელების მიზნით „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ს“ ქვეპუნქტისა და სახელმწიფო შესყიდვების სააგენტოს თავჯდომარის 2011 წლის 07 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-3 მუხლის შესაბამისად, ვდებთ წინამდებარე ხელშეკრულებას შემდეგზე:

## 1. ხელშეკრულების საგანი

1.1. ხელშეკრულების საგანია სიმ-ბარათების (CPV 31712112) შეძენა, წინამდებარე ხელშეკრულებით გათვალისწინებული პირობების შესაბამისად.

## 2. შესყიდვის ობიექტი

2.1. შესყიდვის ობიექტი : „ჯეოსელის“ ბარათები.

## 3. ხელშეკრულების საერთო ღირებულება

3.1. შესყიდვის ობიექტის ფასი განისაზღვრება ლარებში და შეადგენს 2400 (ორიათას ოთხას) ლარს.

## 4. შესყიდვის ობიექტის ხარისხი და გარანტია

4.1. „მიმწოდებელი“ იძლევა გარანტიას, რომ შესყიდვის ობიექტის ხარისხი უპასუხებს ხელშეკრულების პირობებს და დააკმაყოფილებს „შემსყიდველის“ მიერ განსაზღვრულ მოთხოვნებს.

## 5. შესყიდვის ობიექტის მიწოდების ვადა

5.1. შესყიდვის ობიექტის მიწოდების ვადა განისაზღვრება ხელშეკრულების ხელმოწერის დღიდან ეტაპობრივად 2013 წლის 31 დეკემბრის ჩათვლით.

## 6. შესყიდვის ობიექტის მიღება-ჩაბარების წესი

6.1. შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.

6.2. საქონლის (ან მისი ნაწილის) მიღების ან/და საბილრო შემოწმების შედეგად გამოვლენილი დეფექტის ან ხარვეზის აღმოფხვრას საკუთარი ხარჯებით უზრუნველყოფს „მიმწოდებელი“.

## 7. ანგარიშსწორების ფორმა

7.1. „მიმწოდებელთან“ ანგარიშსწორება ხორციელდება საქართველოს ეროვნული ვალუტით ლარებში.

## 8. მხარეთა უფლება – მოვალეობანი

- 8.1. „შემსყიდველი“ ვალდებულია უზრუნველყოს მისთვის მიწოდებული საქონლის შესაბამისი ანაზღაურების გადახდა მიმწოდებლისათვის წინამდებარე ხელშეკრულების პირობათა სრული დაცვით.
- 8.2. „შემსყიდველი“ უფლებამოსილია „მიმწოდებლისგან“ მოითხოვოს უფლებრივად და ნიეთობრივად უნაკლო საქონლის ხელშეკრულებით დადგენილი ოდენობითა და ვადაში მიღება.
- 8.3. „მიმწოდებლისგან“ მოითხოვოს საქონლის გადაცემის შესახებ მიღება-ჩაბარების აქტის გაფორმება.
- 8.4. „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება.
- 8.5. „მიმწოდებელი“ ვალდებულია მოთხოვნისთანავე გადასცეს „შემსყიდველს“ შეძენილი სიმ-ბარათები, პირველადი დოკუმენტაციის ასლები (სასაქონლო ზედნადები) და ანგარიში, რომლის შემდგომაც ფორმდება მიღება-ჩაბარების აქტი.
- 8.6. საკუთარი ხარჯებით უზრუნველყოს „შემსყიდველის“ მიერ გამოვლენილი საქონლის მდგომარეობასთან დაკავშირებული ყველა ნაკლის აღმოფხვრა.
- 8.7. დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.
- 8.8. ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.
- 8.9. „მიმწოდებელი“ უფლებამოსილია „შემსყიდველისაგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.
- 8.10. ორივე მხარე ვალდებულია დაიცვას ხელშეკრულებით გათვალისწინებული ყველა პირობა.

## 9. მხარეთა პასუხისმგებლობა ხელშეკრულების დარღვევისას

- 9.1. მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

## 10. ხელშეკრულების მოქმედების ვადა

- 10.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2013 წლის 31 დეკემბრის ჩათვლით.

## 11. ხელშეკრულების პირობების გადასინჯვის შესაძლებლობა

- 11.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

- 11.2 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

## 12. ხელშეკრულების შესრულების შეფერხება

- 12.1. ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ მხარე, ვალდებულია წერილობით აცნობოს მეორე მხარეს შეფერხების ფაქტი, მისი შესაძლო ხანგრძლივობისა და გამომწვევი მიზეზების შესახებ. ხოლო

შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

12.2. იმ შემთხვევაში თუ კი ხელშეკრულების პირობების შეფერხების გამო მხარეები შეთანხმებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

### 13. ფორს-მაჟორული სიტუაცია

13.1 მხარეები თავისუფლდებიან პასუხისმგებლობისგან დაკისრებულ მოვალეობათა ნაწილობრივ ან სრულად შეუსრულებლობისათვის დაუძლეველი ძალის ზემოქმედებით გამოწვეული გარემოებების შემთხვევაში.

13.2. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება დაუყოვნებლივ წერილობით უნდა აცნობოს მეორე მხარეს ამის შესახებ.

13.3. მხარე არ თავისუფლდება პასუხისმგებლობისგან, თუ კი ფორს-მაჟორული გარემოების დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდეც გონივრულ ვადებში.

### 14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა გადაწყდება ურთიერთმოლაპარაკების გზით. თუ სადაო საკითხზე მოლაპარაკების დაწყებიდან 30 (ოცდაათი) დღის განმავლობაში მხარეები ვერ შეძლებენ შეთანხმებას, დავა გადაწყდება სასამართლო წესით.

### 15. ხელშეკრულების ინსპექტირების პირობები

15.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

15.2. ხელშეკრულების ინსპექტირებას „შემსყიდველის“ მხრიდან განახორციელებს სააგენტოს სამეურნეო სამსახურის უფროსი ჯიმშერ ცივაძე.

### 16. ხელშეკრულების პირობების შეუსრულებლობა.

16.1 ხელშეკრულებით ნაკისრი ვალდებულებების შეუსრულებლობისა ან/და დაგვიანებით შესრულების შემთხვევაში, მხარეები ჯარიმის სახით გადაიხდიან სახელშეკრულებო ღირებულების 0,03 პროცენტს, ყოველ გადაცილებულ დღეზე.

16.2 საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან ერთი თვის ვადაში.

16.3. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისგან.

### 17. ხელშეკრულების მოქმედების შეწყვეტა.

17.1 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება „მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ „მიმწოდებელი“ არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

ბ) თუ „მიმწოდებელი“ სისტემატიურად ან/და უხეშად არღვევს ხელშეკრულების პირობებს;

გ) თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს მომსახურება სრული მოცულობით ან ნაწილობრივ, თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

17.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

17.3 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) „მიმწოდებლის“ გაკოტრების შემთხვევაში.

## 18. სხვა პირობები

18.1. მხარეები ხელმძღვანელობენ ურთიერთ პატივისცემის პრინციპით და თანამშრომლობის გაღრმავების სურვილით.

18.2 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.



18.3. „მიმწოდებლის“ მიერ შესრულებული სამუშაოები ან მისი ეტაპი ჩაითვლება მიღებულად მხოლოდ, მხარეთა შორის დადგენილი ფორმის მიღება-ჩაბარების აქტის გაფორმების შემდეგ.

18.4 ხელშეკრულებაში ცვლილებების ან დამატებების შეტანა შესაძლებელია მხოლოდ, მხარეთა შორის შეთანხმების წერილობითი ფორმით გაფორმების შედეგად.

18.5. ხელშეკრულება შედგენილია ქართულ ენაზე, 2 (ორ) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.3. წინამდებარე ხელშეკრულება ან/და ნებისმიერი ცვლილება ან დამატება ძალაშია მისი მხარეთა მიერ ხელმოწერის მომენტიდან 2013 წლის 31 დეკემბრის ჩათვლით.

## 19. მხარეთა იურიდიული მისამართები და რეკვიზიტები

| „შემსყიდველი“                                                                                                                                                                                                                                                                               | „მიმწოდებელი“                                                                                                                                                                                            |
|---------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------|
| ა(ა)იპ „სატრანსპორტო ინფრასტრუქტურის მართვის სააგენტო“<br>ს/კ 445405348.<br>იურიდიული მისამართი:<br>ქ. ბათუმი, ლ. ასათიანის ქ. №25.<br>ფაქტობრივი მისამართი:<br>ქ. ბათუმი, მელიქიშვილის ქ. №81.<br>საბანკო რეკვიზიტები:<br>სს „ლიბერთი ბანკი“<br>ბ/კ LBRTGE22<br>ა/6 GE80LB0115114741456000 | შ.პ.ს. „დელტა 707“<br>ს/კ/ 445392593.<br>იურიდიული მისამართი:<br>ქ. ბათუმი, ბერიძის ქ. №4/6.<br>საბანკო რეკვიზიტები:<br>ს.ს თიბისი ბანკის ბათუმის ფილიალი.<br>ბ/კ TBCBGE22<br>ა/6 GE39TB7838936020100001 |
| დირექტორი: <br>ს. ნიჭიშვილი                                                                                                                                                                              | დირექტორი: <br>გ. ბერიძე                                                                                             |